

同治十三年甲戌秋八月二十七日。扈蹕南苑。往返十日。無事。相與唱酬爲樂。得詩六十餘首。因錄而存之。以誌朋盍之盛。時同行者黃孝侯。少寇鉅。徐頌閣。庶子。郝孫子。授侍讀。貽經。歐陽用甫。贊善。保極也。九月六日。吳縣潘祖蔭識。

南苑唱和詩

南苑絕句

潘祖蔭

新衙門接舊衙門，二廣前車屬內閣。此事自憐殷鑒在，唐家神策漢西園。

雙雙古柳幾番栽。

高宗時補種，見聖製詩。

螞蟷墳高土一堆，只有元朝鐵獅子。

在新衙門行，宮有字五行。

會看廷祐瞭鷹臺。

舊院仁虞說定評。

高宗海子行詩，注辨其誤。

三千海戶舊衣租，似聞鐵騎從天下。

太宗時，兵於此。

廿四離宮已盡蕪。

紅牆百廿里縱橫，處處長橋流水平。誰志河渠徵守敬，更談潞水續貞明。

御樓聽雨樓在舊宮，春望樓在新宮。天上敝雲房，松蓋童童倚夕陽。暢好六飛來駐蹕，滿園林木盡秋光。

問安中使朝馳騎，進膳園官夕貢鮮。舜日萬年真大孝，至尊心在兩宮前。

射熊館古畫陰森，霹靂弓鳴已殢禽。騎射共知家法在，網開三面聖人心。

初四，獸圖。

撰擬詞臣日進箋，大書龍

爪細蠶眠，鳳河浩渺蘭舟穩。丹札親題一洞天。

御舟名。

扈從羽葆盡仙官，衣染鷺黃羽翠鸞。五彩雲霞朝日捧，十行詔下萬人歡。

神機營萬餘人。

綵旌結陣龍蛇動，銀燭成城星月繁。神武聖謨周萬里，玉關金甲尙雲屯。

琳宮古鼎煥天章。

高廟聖製，德壽寺古鼎歌。

惜未西清兩鑑詳，好古小臣生苦晚。籌毫不及繼梁王。

宮門咫尺隔紅橋，一片蒼煙夜未消。處處岡嵒如畫裏，飛泉萬點逐風飄。

狐啼鳥叫隔山愁。月色朦朧萬樹秋。斗帳醉眠渾不覺。醒來珠斗正當頭。雪笠煙簑憶釣磯。此間七十二泉飛。溪山大好縈鄉思。不爲蒹葭也合歸。

孝侯

衙門新舊接圓河。南苑離宮得景多。前路傳呼押勒密。清宮使者大鳴鑼。是處營門漾綵旂。從官嚴肅侍宸遊。宵分萬帳明燈火。聖主傳登聽雨樓。闕勇期門與駭張。紅陽沛艾極騰驤。一聲破的天顏喜。馬桂新頒杏子黃。大纛凌晨卷烈風。禁軍龍虎壯威容。雷轟電掣千回變。此是連年訓練功。合圍校獵六軍陳。數獲陳鮮勝八珍。欲例年終覲鹿賞。應分一樹到詞臣。游豫幾餘妙節宣。太平盛美萬方傳。迴思端拱先朝事。楚路春燕十一年。

子授

瑟瑟西風肅柳營。翠華南獵閱神兵。六軍鼓舞天恩厚。共慶秋陽十日晴。聖朝騎射威天下。更有洋鎗列隊雄。耳順風高宣玉旨。旌旗齊拂五雲中。校獵園場競奪標。騰驤七萃馬蹄遙。笑他困獸雖思鬪。應憐天威不敢驕。曾是元朝飛放泊。前明總督有衙門。而今雅化同文囿。動植均霑浩蕩恩。采旗遙指博山鎚。扈蹕詞臣樂事殊。數典博君同一笑。十三篇是舊兵符。

離宮風景數圍河。金碧樓臺點綴多。絕似西湖形勝好。蓬萊仙境在煙波。
土風廋雜市聲喧。燈火通明擬上元。欹枕深宵不成寐。渾忘宿宿在郊原。
密坐清談笑語真。行廬幅輳翦裁新。郇廚贏得侏儒飽。東道欣逢兩主人。
虬松紺宇綠參天。寶鼎摩挲順治年。良冶精金並超絕。焦山古鼎不須傳。
望衡對宇喜盈眸。容膝渾如陸地舟。最是綠陰低亞處。十分秋色在營頭。

用甫

舊宮迢遞接新宮。更有圍河景不同。樹色波光秋入畫。翠華臨幸尙春風。
屬車簇擁轉春雷。天子彎弧小獵回。九陌紅塵飛轡過。路人知是進鮮來。
風雲蛇鳥變縱橫。禁旅歡騰肄習精。縱是承平宜講武。况聞雞塞未休兵。
行帳連開似結廬。朝朝詩酒鎮相於。鯁生難入鄒枚座。薏筆深慚附後車。

頌閣

勝朝講武禁軍屯。中使傳宣詔勅尊。十萬兵權歸掌握。至今猶說兩衙門。
宮門初啓御香飄。旭日曠瞻侍早朝。絕似江鄉好風景。綠陰深處有紅橋。
旌旗五色隊千行。南苑秋高露已霜。明日羽林親校獵。行廚風味數黃羊。
宮漏沈沈靜玉珂。珠源勝景說圍河。詞臣朝罷渾無事。賭酒敲棋樂趣多。

孝侯招飲作

伯寅

招邀勝侶共持螯，退直從容作老饕。
靈囿鹿羊齊入饌，天廚豆粟盡題糕。
一車家具已云足，十日征塵未
是勞。料得城南花事好，安排佳節且登高。

孝侯和作

良朋小聚擘霜螯，乘興憑人詔老饕。
各有閒情詩對草，未除毫氣字題糕。
韻諧競病拈爭速，句總圓成索
不勞。樂事諸君同記取，剛河扈蹕正秋高。

子授和作

漫向軍前講六韜，流連詩酒屬吾曹。
饌間風味天廚貴，坐右吟情大將豪。
十載金鑾慚素食，九秋銀館壯
揮毫。消閒賴有囊中句，回首秋櫓月已高。

子授再和次元韻

右手傳盃左手螯，不應平野感風饕。
清遊勝地同簪筆，佳節重陽待買糕。
金闕曉寒聽漏永，玉關秋戍念
民勞。要知宵旰廬宸慮，沛上歌風陋漢高。

用甫和作

暢飲行庖剝紫螯，輕寒昨夜怯風饕。
良朋滿座酬美酒，有客當年祀棗糕。
頤闈頤闈書旨烹鮮頻遣興，敲棋作
畫共忘勞。聯吟快睹珠璣富，羨煞詩才七步高。

頤閣和作

竹廬小飲剝霜螯。飽飲鰕廚愧老饕。節近重陽遲對菊。詩成頃刻窘題糕。放晴頓覺寒暄異。竟句渾忘跋涉勞。自笑鰕生真儉腹。慚無佳詠續張端。文高格

詠行帳

伯寅

北極星明拱帝居。樹叢隱隱見穹廬。風帆大海無邊闊。雲錦諸天一片舒。就岸牽船舊宮園河形卻似。臨淵結網禮器圖王意何如。礙眉妨帽從人說。顧問深慙第七車。

孝侯

周廬千列傍觚稜。土木無功百堵興。甲第王侯連蠹帳。比閭疆域界金繩。但憑簾幕開窗戶。各樹標竿雜綵繒。是處行遊兼覽勝。深宵常看上元燈。

子授

囊筆行廬九月秋。依然香案近瀛洲。軍聲易攪梅花夢。詩興還憑竹葉酬。幸許鄰超同入幕。不須張象歎低頭。枕戈尙憶聞雞舞。今傍和門聽曉籌。

用甫

小住穹廬結構精。簪毫仙侶話蓬瀛。幕天席地重圍合。火樹銀花萬點明。可有上林司馬賦。居然堅壁亞夫營。年前聯騎東陵道。記得宵來聽雨聲。

頌閣

廣廈全憑大木支。何須鴛瓦疊參差。重簾不卷無風入。紙帳微寒有夢知。一色火城涼映月。兩行宮燭細敲詩。行窩安樂君休笑。記否連牀話雨時。

頌閣見贈原作

主人愛客屢傳觴。紫蟹黃羊次第嘗。捧腹博君同一笑。老饕才盡似江郎。

伯寅和作

清詩價得酒盈觴。有客分甘許共嘗。陪輩長楊遲奏賦。射生忙煞羽林郎。

頌閣再作

詩成一卷酒千觴。豪氣如君古孟嘗。自笑將軍真負腹。莫將糕字寢劉郎。

伯寅再和

我有中山酒一觴。與君十日幾回嘗。醉吟便是神仙境。一飽何譏執戟郎。

孝侯和作

重陽節近好傳觴。持賜君羹日日嘗。酒罷不須頻瞌睡。教人喚起狀元郎。

子授和作

柳陰深處快飛觴。得荷天家異味嘗。珠玉滿前難著筆。賞音深恐負中郎。

佩菊相國見贈原作

宿列文昌翊紫微。編開錦繡字珠璣。蓬萊共羨羣龍戴。藻采爭看五鳳飛。紅葉白雲新畫境。高山流水古琴徽。盛時合擬長楊賦。講武端應諫獵稀。

伯寅和作

五雲迎日曙星微。鉅製頒來照夜璣。劍佩隨班宮樹識。烽煙新靖塞鴻飛。心懸霄漢調金鼎。手奏陽春叶玉徽。裴令唱酬歡最古。愛才今日似公稀。

孝侯和作

忽奉佳章出紫微。光同七政麗璇璣。謹嚴格律篇如錦。灑脫才華字欲飛。燕許由來稱巨製。鄒枚慙莫紹前徽。連朝蛙蚓徒爭鬧。獨有陽春和者稀。

子授和作

獵獵旌麾傍翠微。台垣拱極炳璿璣。綸扉柱石尊元老。毳幕風霜扈六飛。餘事未能忘結習。雅音何幸遇清徽。九天珠玉吟壇富。白雪陽春屬和稀。

用甫和作

出花宮漏韻霏微。上相詩成字字璣。碧海波瀾鯨獨跋。清秋天宇雁初飛。才非昌谷虛囊錦。遇有鍾期賞玉徽。仙侶瀛洲同嘯傲。拋磚應不恨知稀。

頌開和作

朝回黃閣漏聲微。十幅吳箋燦錦瓊。撚斷吟髭詩律細。寫從矮几墨花飛。晴秋如畫明金闕。古調高彈聽玉徽。調鼎餘閒欣得句。相公退食詔書稀。

初三夜聽雨作

伯寅

秋聲撼枕不成眠。忽聽瀟瀟到耳邊。已自無塵何待洗。偶因有漏欲參禪。露華淨拭鑾坡道。雲樹遙生帳殿烟。陡憶橫塘篷底話。廿年無夢上吳船。

孝侯和作

寒侵行帳未成眠。雨挾秋聲到枕邊。屢欲移牀非遠客。渾難入定學安禪。宮壺遙聽遲遲漏。香篆宵沈細細煙。記得卅年文戰後。秋江秋夜泊歸船。

子授和作

玉漏頻催客未眠。聯牀翦燭興無邊。推敲細律償詩債。斟酌新詞證畫禪。古木寒聲驚夜雨。平原秋色暗晴煙。何時同泛西溪櫂。淺水蘆花不繫船。

初四日午後新衙門行帳大風盡拔佩蘅年丈爲覓一椽得栖止賦謝

伯寅

甘泉斗起不周風。獵獵旌旗盡卷紅。人似轉蓬浮巨浪。帳如敗葉舞遙空。南郊投止無閒舍。東閣招邀有鉅公。此是杜陵真大吏。笑談依舊五人同。